

1686

Viro perillustri
CONSTANTINO CONSTANTINI FILIO HUGENIO

S. P. D.

Ioannes Georgius Graevius.



Perpetuae meae singularisque in Te observantiae pignus mitto tres
Meursii libellos postumos, mea cura in lucem ex latebris bibliothecae
Regis Sueciae protractos, & Tibi inscriptos. Non potui enim Tibi debere
diutius, cum tam bella se offerret occasio, hoc gratiae voluntatis munimen-
tum, pro prolixo tuo in me studio, tot luculentis significationibus mihi
a longo tempore maxime testato. Celebritas Meursiani nominis &
operum, omnibus eruditis probatorum, id longe reddat illustrius &
perennius, quam si spicam ex jejuno fundo meo decerptam Tibi obtulissen.
Quod si tanta comitate has diatribas exceperis, qua me solitus es tractare,
non operam in illis edendis me luisse putabo. Sed magis laetabor, si
aditum ad tuam benevolentiam quasi patefecerint nobilissimis viris,
magni Salmasii filius, quos dira illa tempestat Gallica tanquam
naufragos, & omnibus bonis ac possessionibus nudatos, in nostras oras
eiecit, ut plures alios. Major natu, Dominus S. Lupi, in praetorio
gentilitio in Burgundia sibi & Musis cum uxore nobilissima vivebat.

minor natu militiae nomen dederat, centurionis personam gesturas,
si fata siverent. Sed nunc extorres communium sacrorum causa,
dignissimi sunt non solum propter memoriam patris, viri summi, qui
Leidensem Academiam splendore nominis sui mirifice illustravit,
sed & propter virtutes, quibus ipsi ornantur, qui respiciantur piae
misericordiae humanitate, & his, quibus conflitantur, incommodis
lerentur. Serenissimus Princeps Aransionensis ante plures menses Domino
Sancti Lupi spem fecit annui stipendii modici in tutelam familiae
obtinendi apud Curatores Leidensis Academiae; sed nondum
Invenit faciles in sua vota Deos.

Multum praesidii sibi positum esse statuit in Tua bonitate, & propensa
in omnes bonos, & optimis artibus deditos voluntate. Quod si, cum
fuerint mollia fandi tempora, dignatus fueris Serenissimum Principem
compellere, & illorum causam orare, ut ille Curatoribus Leidensibus
commendetur, junior vero in centurionum Gallicorum reformatorum,
ut loquuntur, numerum referatur, nam centurionatus diploma in
Gallia iam paratum erat, quod tamen postea temporum & hominum
injuria interceptit, maximo beneficio Tibi incomparabilis viri filios
afflictißimos devincies ad omne genus obsequii, ego vero quicquid.

in illos conferes in me collatum esse, pro meo erga Salmasianum nomen
studio, existimabo. Alterum exemplum Meursianorum opusculorum
maximo parenti tuo, tertium Christiano, fratri tuo, Mathematicorum
principi, meo nomine ut reddas, salutemque & officia mea eis ut
deferas rogo. Vale vir nobilissime & me amare perge. Trajecti
D. XXVII Novemb. MDCC LXXXVI.

